

Sanheuz Cunh:

Fuk Veh Gyaeundei Sengcingz Ndeu

天然画卷竹山村

Daegnuengx Ranzciz ingj

Fairaemxroenx dem gingj gyaeu.



▲ Diuq foux angq hoh lwgndae fungsou.



▲ Lwgndae fungsou vunz-mbanj angqyangz.



▲ Yienj fouxfaexsaux caeuq hekyouz caemh angq.



▲ Vunzmbanj diuq foux gyonghwet coux hek.

Byaij haeuj Cuzsanh Cunh, couh lumj ndonj haeuj le fuk veh raemxmaeg gyaeundei sengcingz ndeu nei, goengqbya heuswd daengjdw, raemxdah sawrxn laeret, yawj lumj aenmbanj ranghraemx miz giuziq raemxlae baihnanz guk raeuz nei; doengh dem doengh ranzaeuz moqsag ndeyawj, mbanj ing bya hwnjguh, mbanj ndwdaengj henz dah, siengnyemh youq ndaw gyang faex heu raemx saw, gyaeundei raixcaix.

Cuzsanh Cunh dieg youq baihnanz Lenzvah Cin Gunghcwngz Yauzcuz Swciyen, liz yienhsingz 15 goengleix gyae, miz Cuzsanhgyoz、Hungzyenz、Sinhgyauzdouz、Nanzsanhgyauz seiq aen mbanj, gungh 409 ranz 1625 vunz, ndawde Yauzcuz 865 vunz. Bi 2001 gvaqdaej, aen cunh nei aeu Mbanjmoq Hungzyenz guh diuzsug hwngfat youqndwi nungzyez caeuq lajmbanj lijyouz, ndaetndi giethab nungzyez gezgou diuzcwngj caeuq swnghdai lijyouz, ingbaengh gij gingj gyaeu fanh moux suenmak lwgndae hwng guh “nungzgyahloz”, daezswng gij dangjsw aenmbanj youqndwi, hawj nungzminz miz hong guh ndaej demsou. Mbanjhungzyenz cix gonqlaeng aeundaer le “daengx guk nungzyez lijyouz diemjguh-

yiengh” “daengx guk cib daih aenmbanj minghhoengh” “daengx gih swnghdai fouq minz mbanjguhyiengh” “cib ndei swnghdai fouq minz mbanjciuqei” “mbawcoh aenmbanj Cungguk” “mbanj lijyouz swnghdai Guengjsae” “Guengjsae cib daih aenmbanj minghhoengh” doenghgi mingzdaeuz ndei nei, baenz le baihbaek gih raeuz naedcaw ronghlwenq swnghdai youqndwi lijyouz ndeu. Gyawj geij bi nei daej, moix bi miz mauhgvaq 20 fanh vunzbaez hekyouz bae ndaw mbanj youzcet, youqndwi nungzyez daihhek souhaej 2600 fanh maenz, cunh cizdij souhaej 16 fanh maenz, vunzmbanj moix vunz bingzyaenz cinghsouhaej mauhgvaq 7000 maenz.

Cib lai bi nei daej, Cuzsanh Cunh ciuq cingzvang saedcaeq ndaw mbanj bae guh, aeu hwnjguh Mbanjmoq Hungzyenz guh cungsim, guh ndei Nanzsanhgyauz、Sinhgyauzdouz、Cuzsanhgyoz gij mbanj nei hong canglengj daenj buh daep mauh. Ndawde Mbanjmoq Hungzyenz daj bi 2003 gvaqdaej, gonqlaeng hwnjguh baenz 80 aen ranzaeuz lajmbanj, cingjcoih diuzroen haeuj mbanj, bu ndei roen yawj gingj, guhbaenz giuzndojfwn miz daegsaek Yauzcuz caeuq aenfae raemxroenx、aendiengz

yawj gingj、cawjhoihciengz cietmak-ndae、ciengzdingzci doenghgi lijyouz sezihi nei, lij guh le aen camh-cawqceq raemxuq raemxmok ndeu; daengx mbanj vunzvunz guh hong lijyouz, ranzranz guh hong dakdaih hekyouz, miz 200 lai vunzmbanj cigciep guh monz hong lijyouz, daengx mbanj miz baenz 600 lai aen congz biucinj ndaej hawj hekyouz ietnaiq.

Seizneix, Cuzsanh Cunh daengx bi seiqgeiq lwgmak homfwt byaek-gve ranghrwd, daegsaek “lwgndae” “fungcingz Yauzcuz” yienhda, moix daengz seizcou fanh moux makndae gogo dawzmak nuengjrumx henjrwg vandiemp, byai cou haeuj doeng seiz, mbawgo’ndae henjroz doek gwnz namh, baenz benq henjgim roemx haeuj lwgda, engq hawj vunz roxnyinh mizyinx. Youq ndaw mbanj, mwngz ndaej bae henz dah ep bya, bae ndaw reihnaz ndaemndai, bae ndaw suenmak mbaet mak, roengz dah bae youzraemx gaeb bya, bae gwnz ndoi yawj gingj, bae laj gofaex doiq fwen, caemh ndaej bae ranz vunzmbanj gag dajcaw loenghbyaek, cimz gij byaekfeih lajmbanj, youqndwi cwxcaih, miz cingz miz ei, sim soeng sim sangj, mizyinx raixcaix.



▲ Mbanjmoq Hungzyen gyaeundei vunz hozhaenz.



▲ Giuzndojfwn coux hek baenz cien baenz fanh.

▲ Hekyouz naengh ruz yawj gingj